

AUGLÝSING

um deiliskipulag lóðar úr landi Akurgerðis, Ölfushreppi.

Sveitarstjórn Ölfushrepps hefur samþykkt deiliskipulag lóðar úr landi Akurgerðis, Ölfushreppi, er nefnist Borgargerði.

Tillagan var auglýst skv. 25. gr. skipulags- og byggingarlaga nr. 73/1997 og yfirfarin af Skipulagsstofnun.

Svæðið liggur við veg nr. 374 og nær yfir landsvæði sem er 5,7 ha. Þar innan eru byggingarreitir fyrir íbúðarhús, 900 m² og útihús, 1.600 m².

Deiliskipulagið öðlast þegar gildi.

Þorlákshöfn, 4. janúar 1999.

Sigurður Jónsson, skipulags- og byggingarfulltrúi.

AUGLÝSING

um breytingu á gjaldskrá Hitaveitu Akureyrar.

Samkvæmt orkulögum nr. 58/1967 og 6. og 7. gr. sveitarstjórnarlaga nr. 8/1986 og reglugerð Hitaveitu Akureyrar frá 6. apríl 1989, hefur ráðuneytið staðfest eftirfarandi breytingu á gjaldskrá Hitaveitu Akureyrar er taki gildi 1. janúar 1999.

Gjaldskrá Hitaveitu Akureyrar nr. 27/1998 breytist þannig:

Verð fyrir hvern rúmmetra af heitu vatni lækkar 1. janúar 1999 úr kr. 106 í kr. 103.

Iðnaðarráðuneytinu, 7. janúar 1999.

F. h. r.

Jón Ingimarsson.

Katrín Jóhannsdóttir.

GJALDSKRÁ

fyrir útgáfu og birtingu gagna frá Landmælingum Íslands á prentuðu formi.

1. gr.

Af útgáfu og birtingu efnis og gagna frá Landmælingum Íslands, hér eftir nefnd LMÍ á prentuðu formi skal stofnunin innheimta gjöld samkvæmt gjaldskrá þessari.

2. gr.

Veitt eru leyfi fyrir útgáfu og birtingu eftirfarandi efnis og gagna í bókum, blöðum, tímaritum, bæklingum og sérstökum útgáfum:

1. Ljósmyndir/loftmyndir/gervitunglamyndir.
2. Kort.
3. Stafræn gögn.
4. Annað efni í vörslu stofnunarinnar.

3. gr.

Hjá LMÍ fást sérstök umsóknareyðublöð sem nota skal þegar sótt er um leyfi til útgáfu eða birtingar á efni eða gögnum í vörslu stofnunarinnar. Á umsóknareyðublaði skal meðal annars koma fram hvar fyrirhugað er að birta efni eða gögnin og með hvaða hætti, í hvaða upplagi, stærð og/eða mælikvarða. Í framhaldi af umsókn skal gerður sérstakur afnota-samningur þar sem kveðið er á um gjald og nánari skilmála fyrir útgáfu eða birtingu efnis eða gagna. Að lokinni undirritun fær umsækjandi gögnin til notkunar.

4. gr.

Gjaldflokkar.

Lágmarksupphæð vegna afgreiðslu á umsókn á útgáfu- og birtingarleyfi er kr. 5.000 með virðisaukaskatti.

Gjaldskráin skiptist í fjóra gjaldflokka sem hér segir:

Flokkur 1.

Gjald fyrir birtingu efnis eða gagna þegar um er að ræða:

1. Nákvæma endurgerð gagna eða efnis.
2. Birt gögn eða efni í endanlegri útfærslu sem innihalda meira en 60% af kortagögnum, texta, myndefni eða öðru efni LMÍ.

Flokkur 2.

Gjald fyrir birtingu efnis eða gagna sem endurgerð eru eftir gögnum LMÍ þegar um er að ræða:

1. Mikilsverðar breytingar án endurteikningar eða einföldunar.
2. Birt gögn eða efni í endanlegri útfærslu sem innihalda 30-60% af kortagögnum, texta, myndefni eða öðru efni frá LMÍ.

Flokkur 3.

Gjald fyrir það efni eða gögn sem hafa verið unnin upp úr grunngögnum LMÍ sem innihalda á bilinu 10-30% af birtu efni. Ekki skal innheimta gjald séu gögn LMÍ undir 10% af birtu efni eða gögnum. Birting loftmynda LMÍ skal gjaldtekin samkvæmt þessum flokki.

Flokkur 4.

Gjald fyrir efni eða gögn þar sem þau eru eingöngu notuð til endurskoðunar, hvort sem þau eru endurskoðuð eftir gögnum eða efni útgefnu af LMÍ eða eftir óútgefnum gögnum eða efni.

Gjald fyrir einföld (skematísk) kort teiknuð af öðrum en LMÍ með takmörkuðum upplýsingum um staðfræði.

5. gr.

LMÍ er heimilt að gera samninga um lægri gjöld fyrir birtingu en kveðið er á um í flokki 1 og 2 í 4. gr. sé um að ræða viðamikil verkefni, stórt upplag, eða viðvarandi verkefni.

Kort í kortabókum, leiðsögubókum o.þ.h. eru talin saman að heildarflatarmáli við ákvörðun stærðarflokks. Skal þá miða við 20% skörun á heildarkortastærð vegna endurtekninga á kortasvæðum frá síðu til síðu.

Ekki skal innheimta gjald vegna smákorta og skýringarmynda sem teiknuð eru af öðrum en LMÍ í A4 stærð eða minni eða í mælikvarða 1:2.000.000 eða minni. Sama gildir um kort sem birt eru í vísindalegum tilgangi og sem ætluð eru til almennrar dreifingar án endurgjalds.

6. gr.

Leyfi til að birta efni eða gögn frá LMÍ gildir aðeins fyrir eina prentun, nema um annað sé samið sérstaklega.

7. gr.

Efni eða gögn sem eiga uppruna sinn að rekja til LMÍ skulu merkt á eftirfarandi hátt: „© Landmælingar Íslands, f.h. íslenska ríkisins.“

Þegar fleiri en einn aðili á höfundarrétt að endanlegri útgáfu efnis eða gagna skal haft samráð við LMÍ um merkingu þeirra gagna eða efnis sem fengin eru frá LMÍ.

8. gr.

Um upphæð gjalda fer samkvæmt fylgiskjali með gjaldskrá þessari.

Gjöld samkvæmt gjaldskránni eru virðisaukaskattskyld.

9. gr.

Gjaldskrá þessi staðfestist hér með samkvæmt 1. tl. 10. gr. laga nr. 95/1997, um landmælingar og kortagerð, og öðlast gildi við birtingu. Frá sama tíma fellur úr gildi gjaldskrá nr. 645/1998 fyrir útgáfu og birtingu gagna frá Landmælingum Íslands á prentuðu formi.

Umhverfisstjórnuneytinu, 6. janúar 1999.

Guðmundur Bjarnason.

Magnús Jóhannesson.

Fylgiskjal.

Fylgiskjal með gjaldskrá fyrir útgáfu og birtingu gagna frá Landmælingum Íslands á prentuðu formi.

Stærð korts og mynda sem á að gefa út	A6 og minna 155 sm²	A5 og minna 310 sm²	A4 og minna 625 sm²	A3 og minna 1250 sm²	A2 og minna 2500 sm²	A1 og minna 5000 sm²	A0 og minna 10000 sm²
	kr.	kr.	kr.	kr.	kr.	kr.	kr.
Flokkur 1	2,00	4,00	10,00	20,00	33,00	46,00	65,00
Flokkur 2	1,50	3,00	7,50	15,00	25,00	35,00	50,00
Flokkur 3	1,00	1,50	2,50	5,00	7,50	10,00	15,00
Flokkur 4	0,25	0,50	1,00	2,00	3,00	4,00	6,00

Ofangreint verð er miðað við gjald fyrir hvert eintak. Allar fjárhæðir eru tilgreindar án virðisaukaskatts.

GJALDSKRÁ

fyrir hundahald í Reykjavík.

1. gr.

Af hundum í Reykjavík skal Heilbrigðiseftirlit Reykjavíkur innheimta gjöld samkvæmt gjaldskrá þessari, sem ætlað er að standi undir kostnaði við framkvæmd heilbrigðis-samþykktar um hundahald, sbr. staflið c. í 2. gr. samþykktar nr. 305/1989, um hundahald í lögsagnarumdæmi Reykjavíkur.